

[Leipzig], 26. April 1555

Von Joachim Camerarius d. Ä.

Druck: Camerarius, Epistolae S. 457f.

S. D. Explicationum mearum αὐτόγραφον fabularum Sophoclis, vel commentarium potius illarum, misi Oporino. qui cùm nihil responderit, dubito an acceperit. Ego vt nolim perijssre (reparari enim non possent illa qualiacunque sunt) ita fortasse damnum non magnum istiusmodi scriptis perditis res litteraria faceret. Sed nostra tamen quasi τεκνώματα amamus, vt suos foetus simiae. Tu qui apud Oporinum fuisti, scire potes an ista illi redditia sint. ὃναρύπαρ video non esse editum, atque esse tamen, cur nolim, caussa non videtur. ἀλλ' οὐδέν μοι μέλει. Tu si saepe litteras ad me miseris, gratum mihi feceris. Potes nostro Muselero<sup>1</sup> tam longas scribere, etiam, vt opinor, mihi poteris. Popularis est ille tuus: et est inter nos magna necessitudo studiorum communium, et sumus nos ciues Attici. Sed iocorum satis, praesertim hoc tempore non idoneo ad iocandum. Noster Hencelius mea caussa se etiam tibi negotium fecisse significat. nondum vidi libros. In isto tamen genere non est minor mea cupiditas, quàm in delicatis mulierculis preciosae vestis. Quid scriberem praeterea, non habebam. Generoso domino tuo, quem ego de studio bonarum artium et cura Musarum non modò veneror, sed etiam amo, velim me commendes, οὕτω προσειπὼν ὥσπερ οἶσθα δεῖν καὶ εὖ ἔχειν. Vale. 6. Cal[endas] Maij. Anno 1555.

<sup>1</sup>Muselero] Musolero Druck.